


Vischnaunca da Breil



Lescha davart il provediment d'aua

2019

		I. Determinaziuns generalas
Art.	1	Camp d'applicaziun ed intent
	1a	Corporaziun da Munsaus
	2	Incumbensa dalla vischnaunca
	3	Dretg surordinau
	4	Noziuns
		II. Provediment d'aua
		<i>1. En general</i>
	5	Classificaziun dils implonts pil provediment d'aua
	6	Obligaziun da colligiazium
	7	Colligiazium
		<i>2. Concept e diever</i>
	8	Principi
	9	Conducts d'aua
	10	Collaudaziun
	11	Pressiun e sperdita d'aua
	12	Dumbraders d'aua
	13	Dretg da diever
	14	Furniziun d'aua
	15	Aua da baghegiar
	16	Consum d'aua
	17	Hidrants
	18	Fontaunas e begls
		<i>3. Gestium e manteniment</i>
	19	Manteniment e renovaziun
	20	Controlla e reparatura
	21	Controlla da qualidad
	22	Responsabladad
		III. Finanziaziun
		1. Implonts publics
		<i>1.1 En general</i>
	23	Fuormas da contribuziuns e taxas
	24	Taxaziun, disposiziun ed incasso
	25	Dretg da regress
		<i>1.2. Contribuziuns da colligiazium</i>
	26	Contribuziun da colligiazium
	27	Contribuziun da colligiazium speciala
	28	Disposiziun
	29	Scadenza ed incasso
		<i>1.3. Taxas d'aua</i>
	30	Taxa fundamentala annuala

	31	Taxa da diever per objects colligiai
	32	Taxa per in diever special
Art.	33	Scadenza ed incasso
		<i>1.4. Mieds legals e dretg da pègn legal</i>
	34	Protestas
	35	Dretg da pègn legal
		2. Implonts privats
	36	Implonts privats
		IV. Disposiziuns executivas e disposiziuns finalas
	37	Entrada en vigur ed abrogaziun dil dretg vertent
		Annexa
		Fegl da tariffas

I. Determinaziuns generalas

Art. 1

Camp d'applicaziun ed intent Questa lescha vala per igl entir territori communal, *ils dretgs e las obligaziuns dalla corporaziun da Munsaus ein stipulai en art. 1a*. Ella vegn era duvrada per schischoms ordeifer il territori communal, ils quals vegnan colligai cul consentiment dalla vischnaunca da domicil, al provediment d'aua dalla vischnaunca da Breil.

La lescha ordeina, a basa dalla lescha da baghegiar e dil plan general d'avertura, il diever, il manteniment, la renovaziun e la finanziaziun dils implonts pil provediment d'aua public e dallas installaziuns privatas colligiadas. Ella reglescha plinavon las relaziuns denter ils proprietaris e la vischnaunca.

Ils implonts pil provediment d'aua, planisai e concepì el rom d'ina planisaziun da quartier, ein suttamess allas prescripziuns dalla lescha da baghegiar per la planisaziun da quartiers. Sch'ei manca directivas particularas, valan las prescripziuns da questa lescha era per la procedura dalla planisaziun da quartier.

Schischoms ch'ins sa colligiar directamein al provediment d'aua d'ina vischnaunca vischina sa l'istanza da baghegiar excluder da questa lescha, premess ch'il schischom en damonda vegni suttamess allas prescripziuns dalla vischnaunca vischina e reglaus en in contract.

Art. 1a

La corporaziun da Munsaus ha ils sequents dretgs e las sequentas obligaziuns:

Dretg ed obligaziun d'incassar las taxas per l'aua da diever dils baghetgs d'economia (per menaschis purils) situai el cerchel dalla reit Munsaus resp. ordvart la zona da baghegiar sco era per il menaschi da militar a Tschuppina.

Incassar da tut quels che retilan aua tenor alinea 1 digl art. 1a la medema tariffa sco la vischnaunca (tenor dumbrader).

Duvrar la facultad soli per il manteniment ed il remplazzament dalla reit d'aua da Munsaus.

Procurar che aschi pauc'aua sco pusseivel va a piarder e serrar giu las lingias cu ei drova buca aua.

Presentar il quen annual alla vischnaunca.

Art. 2

Incumbensa dalla vischnaunca La vischnaunca construescha ed administrescha in agen provediment d'aua ed ina reit da hidrants.

L'extensiun dils implonts pil provediment d'aua dalla vischnaunca e dalla reit da hidrants sedrezza tenor il plan general d'avertura.

La vischnaunca survigilescha las installaziuns privatas colligadas cun igl implont public.

Art. 3

Dretg surordinau Aschinavon che questa lescha cuntegn neginas disposiziuns specialas, valan en general las prescripziuns dalla lescha da baghegiar communalas.
Resalvadas restan plinavon las prescripziuns respectivas dil dretg federal e cantunal.

Art. 4

Noziuns La significaziun dallas noziuns duvradas en questa lescha sedrezza tenor il dretg federal e tenor la cunvegna intercantunala davart la harmonisaziun dalla terminologia da construcziun (IVHB)

II. Provediment d'aua

1. En general

Art. 5

Classificaziun dils implonts pil provediment d'aua Ils implonts pil provediment d'aua vegnan classificai tenor lur proprietad en implonts publics e privats.
Implonts publics ein tut ils implonts construi ed administrai dalla vischnaunca, sco tschaffadas d'aua, reservuars, implonts da pumpadi, conducts pil provediment d'aua e conducts pils hidrants, reservuars d'aua da stizzar fiug, hidrants, fontaunas publicas.
Implonts privats ein tut ils implonts construi ed administrai da persunas privatas e colligai cun igl implont public, sco lingias privatas da colligaziun, sclusadurs, ventils per reducir la pressiun, lingias d'aua egl intern da baghetgs.
La vischnaunca meina in plan da cataster davart ils implonts pil provediment d'aua.

Art. 6

Obligaziun da Sin igl intschess dils implonts pil provediment d'aua public ston

colligiazion tut ils baghetgs novs che drovan aua vegnir colligiai cun igl implont public.
Objects ed implonts existents ein da colligiar cun il provediment d'aua public, aschilunsch ch'ina tala colligiazion ei giustificada.
Objects novs ein da colligiar cun il provediment d'aua public, cura che las lavurs da construcziun entscheivan. Per baghetgs existents definescha la suprastanza communal il termin da colligiazion.
La lubientscha da colligiazion vegn dada el rom dalla procedura per la lubientscha da baghegiar.

Art. 7

Colligiazion La suprastanza communal fixescha il liug ed il tip da colligiazion.
Per regla eis ei da construir in'atgna colligiazion per mintga parcella. La suprastanza communal sa ordinar excepziuns ni lubir talas sin damonda. Sch'ina parcella vegn partida, sa la suprastanza communal prescriber ina colligiazion separada per mintga part.
La suprastanza communal decida, schebein la colligiazion d'implonts privats cun igl implont public ei da realisar entras la vischnaunca ni entras il petent. Sin damonda e raschun giustificada sa la suprastanza decider davart excepziuns.

2. Concept e diever

Art. 8

Principi Tut ils implonts pil provediment d'aua ein da construir e da menar tenor las reglas renconuschidas dil sector da construcziun e dalla tecnica dil provediment d'aua.
Sch'ei manca en questa lescha prescripziuns tecnicas specialas, pren la suprastanza communal las decisiuns necessarias ella procedura per la lubientscha da baghegiar. Ella sa s'orientar tenor las normas e recumandaziuns dallas associaziuns professiunalas.
Implonts pil provediment d'aua astgan vegnir construi e reparai mo da personas qualificadas.

Art. 9

Conducts d'aua Pils conducts d'aua astga vegnir duvrau mo material da qualidad che resista alla pressiun d'aua e che garantescha in cuoz normal digl implont.
Per la colligiazion cun il conduct dalla vischnaunca ei d'installar in sclusaduir ch'ei da marcar cun ina tabla.

Ils conducts d'aua ston esser silmeins 1.30 m sut tiara e las lingias egl intern dil baghetg ein da proteger encunter scheltira. La vischnaunca ei autorisada da tschentar conducts d'aua sin parcelas privatas senza indemnisaziun e senza inscripziun da servituts e grevezias el cudisch funsil. Per in'eventuala sperdita da raccolta sco era per tumbins che vegnan tschentai sin parcelas privatas vegn pagada in'indemnisaziun unica tenor directivas dall'Uniun purila svizra.

Art. 10

Collaudaziun

La finiziun dallas lavurs vid implonts pil provediment d'aua ei d'annunziar alla vischnaunca avon che cuvierer il foss. Il survigilader dil provediment d'aua dalla vischnaunca controllescha ils implonts, en special la colligiaziun digl implont privat cun igl implont public. El ordeina tenor basegns reparaturas d'eventualas munconzas.

Art. 11

Pressiun e sperdita d'aua

Sche la pressiun el conduct ei memia aulta e corrispunda buc al diever d'aua previu, sto il proprietari installar sin agen quen in ventil ella lingia privata per reducir la pressiun. Il proprietari ei responsabels per tut ils donns caschunai cun negligir questa prescripziun.

Vul in proprietari alzar la pressiun el conduct da siu agen implont, sa el prender las mesiras necessarias sin agen quen e cun consentiment dalla suprastonza communal.

Sch'ils proprietari ni vischins constateschan sperditas d'aua ni defects, han els d'annunziar quei immediatamein alla vischnaunca.

Art. 12

Dumbraders d'aua

Mintga retratga d'aua sto da principi ir sur in dumbrader d'aua. Per mintga object eis ei per regla d'installar in dumbrader d'aua avon igl emprem distributur. Quei liug sto esser protegius encunter scheltira. Avon e sunter il dumbrader d'aua ein da montar plumbas. Il dumbrader d'aua sto esser accessibels da tut temps. Plinavon ston ins saver leger giu ni scumiar quel senza difficultads. Igl ei scumandau da retrer aua dil conduct avon il dumbrader d'aua.

Ils dumbraders d'aua vegnan furni dalla vischnaunca e restan proprietad da quella. Las revisiuns dils dumbraders van a quen dalla vischnaunca.

Donns caschunai vid dumbraders d'aua entras negligentscha da persunas privatas, van a quen dil proprietari digl object. Sch'il proprietari digl object metta en damonda la mesiraziun dil consum d'aua, sto il dumbrader d'aua vegnir controllaus

ufficialmein. Funcziunescha el endretg, van ils cuosts a quen dil proprietari digl object, cass cuntrari va il quen alla vischnaunca. L'obligaziun d'installar in dumbrader d'aua vala buca per baselgias.

Art. 13

Dretg da diever La vischnaunca furnescha da principi ina quantidad normala d'aua per objects ella regiun da colligiazun. La retratga d'aua per intents commercials ed industrials e per implonts hidraulics cun in grond diever d'aua drova ina lubientscha speciala dalla suprastonza communal. Per retratgas d'aua extraordinarias sa la suprastonza communal far curvegnas specialas.

Art. 14

Furniziun d'aua La furniziun d'aua sedrezza tenor la capacidad dil provediment d'aua. Ei sa buca vegnir garantiu ina pressiu constanta. En cass da scartezia d'aua, da disturbis, d'incendis ni d'alters motifs stringents sa la quantidad d'aua vegnir reducida senza ch'ils consumers hagian in dretg d'indemnisaziun. Disposiziuns planisadas per interromper ni restrenscher il provediment d'aua ein d'annunziar a temps als pertuccai. Aschiditg che la vischnaunca sa buca garantir il provediment d'aua per objects novs, eis ei da refusar la lubientscha da baghegiar.

Art. 15

Aua da baghegiar L'aua da baghegiar vegn furnida sin donn e cuost dil proprietari. L'annunzia per retrer aua da baghegiar ei da suttametter cun la damonda da baghegiar. La suprastonza communal decida davart il liug da colligiazun. Per retratgas d'aua extraordinarias sa la suprastonza communal far curvegnas specialas.

Art. 16

Consum d'aua Ils consumers d'aua duein duvrar l'aua a moda spargnusa. Igl ei scumandau da schar cuorer l'aua senza basegns ed a moda abusiva. En cass da scartezia d'aua ed en cass d'incendi eis ei da reducir il consum d'aua ad in minimum. Sch'igl ei necessari ordeina la suprastonza communal restricziuns temporaras.

Art. 17

Hidrants

IlS hidrants ein destinai per stizzar fiug ed astgan vegnir duvrai mo excepziunalmein per auters intents. Sin damonda sa la suprastanza communal lubir excepziuns.

L'aua prida dalla reserva per stizzar fiug per far exerchezis da pumpiers ei d'adattar al stadi d'aua actual. Igl ei scumandau dad arver e serrar ils sclusadurs dils hidrants. Resalvadas ein las ordinaziuns dils organs da pumpiers.

L'aua da hidrants, fontaunas ed auters reservuars privats duvrada dils pumpiers en cass da fiug e per exerchezis ei da metter a disposiziun gratuitamein.

La vischnaunca ei autorisada da tschentar hidrants sin parcelas privatas senza indemnisaziun e senza inscripziun da servituts e grevezias el cudisch funsil.

Art. 18

Fontaunas e begls

Caussas fetg tschuffas astgan buca vegnir lavadas en fontaunas e begls. Igl ei scumandau da lavar vehichels sper fontaunas e begls.

Persunas privatas che drovan begls e fontaunas publicas per buentar la muaglia, han sin damonda dalla suprastanza communal da gidar a schubergiar ils begls e las fontaunas e da far liber ellas da neiv e glatsch.

Menar naven au a da begls e fontaunas publicas pretenda ina lubientscha dall'istanza communal.

3. Gestiun e manteniment**Art. 19**

Manteniment e renovaziun

Tut ils implonts pil provediment d'aua public e tut las installaziuns privatas colligiadas cun igl implont public ein da mantener cuntinuadamein en in bien stadi, aschia ch'els funcziuneschan irreproschablamein.

Il proprietari ei responsabels pil menaschi ed il manteniment irreproschabel dils implonts.

Art. 20Controlla e
reparatura

La suprastanza communal examinescha periodicamein il stadi dils agens implonts e dallas installaziuns privatas. Igl ei da lubir igl access allas persunas incumbensadas cun la controlla.

IlS proprietari d'implonts privats examineschan periodicamein il stadi da lur implonts. La suprastanza communal sa controllar ils implonts privats a quen dil proprietari.

La suprastonza communalai reparar immediatamein ils donns constatai vid implonts publics.

Ils donns vid implonts privats lai il proprietari reparar immediatamein sin agen cuost dad el anora ni sin camond dalla suprastonza communalai.

Sch'il proprietari dat buca suatientscha al camond, sch'ei setracta d'in cass urgent ni sch'ei vegn constatau pér suenter haver cavau si in conduct d'aua donnegiau ch'ei setracta d'in implont privat, lai la suprastonza communalai reparar ils donns ni ils disturbis a quen dil proprietari digl implont. Quel sto vegnir orientaus immediatamein davart las mesiras pridias.

Art. 21

Controlla da
qualitad

La suprastonza communalai controllar periodicamein la qualitad dall'aua da beiber.

Art. 22

Responsabladad

Ils proprietaris stattan buns enviars la vischnaunca per tut ils donns e disavantatgs caschunai entras mendas da construcziun e da furniziun ni entras in diever e manteniment munclus dils implonts privats.

La vischnaunca ei responsabla per donns caschunai vid implonts privats entras il diever, la renovaziun ed il manteniment nunqualificau d'implonts publics.

Resalvada resta la responsabladad dalla vischnaunca per la furniziun e la qualitad d'aua da beiber.

III. Finanziaziun

1. Implonts publics

1.1 En general

Art. 23

Fuormas da
contribuziuns
e taxas

La vischnaunca finanziescha ils cuosts da construcziun, da menaschi, da manteniment e da renovaziun dils implonts pil provediment d'aua entras contribuziuns e taxas d'aua che cuvieran ils cuosts e tenor il principi dil caschunader. En cass extraordinaris sa la vischnaunca financiar ils cuosts restonts cun daners generals.

Pil manteniment e la renovaziun d'implonts pil provediment d'aua ein da far las reservas necessarias.

Il quen pil provediment d'aua vegn menaus sco finanziaziun speciala el quen communal.

Art. 24

Taxaziun, dispo-
siziun ed incasso

Las construcziuns da colligiazion e las taxas d'aua vegnan disponidas ed incassadas tenor las prescripziuns da questa lescha.

Las tariffas dallas contribuziuns da colligiazion e dallas taxas d'aua vegnan fixadas el regulativ separau 'Fegl da tariffas'.

Procura la vischnaunca per la colligiazion, sa il petent vegnir obligaus da garantir ils cuosts probabels.

La tariffa per la taxa fundamentala e la taxa da diever ei d'adattar periodicamein entras la suprastanza communal als basegns da finanzas dalla finanziaziun speciala pil provediment d'aua enteifer il rom dallas taxas fixadas sil Fegl da tariffas.

Art. 25

Dretg da regress

Tier midadas da maun ei il niev proprietari enscrets el register funsil obligaus da pagar tut las contribuziuns e taxas buca incassablas.

1.2 Contribuziuns da colligiazion**Art. 26**

Contribuziun da
colligiazion

Per objects che vegnan colligiai per l'emprema ga cun ils implonts pil provediment d'aua dalla vischnaunca ei da pagar ina contribuziun unica. Quella vegn calculada en procents dalla valeta nova tenor il schazetg uffical, quei sin fundament dalla classificaziun digl object tenor il Fegl da tariffas. Davart la classificaziun d'objects buca stipulai sil Fegl da tariffas decida la suprastanza communal.

Per mintga colligiazion nova vala ina contribuziun minimala tenor il Fegl da tariffas.

La contribuziun da colligiazion vegn calculada per igl object principal inclus tut ils objects accessoris construi directamein vid igl object principal, quei independentamein d'ina colligiazion dils singuls objects accessoris.

Vegn igl intent d'in object midaus posteriuramein e cheutras medemamein la classificaziun digl object tenor il Fegl da tariffas, ei da prestar in pagament posteriur. Quel vegn calculaus a basa dalla differenza denter la tariffa oriunda e la nova. Per cass ch'ei seresulta ina sminuziun dalla tariffa, succeda negina restituziun.

Sche la valeta nova tenor il schazetg uffical s'augmenta entras midadas posteriuras per varga 20%, eis ei da pagar in supplement. Il medem vala era, sche la valeta respectiva

s'augmenta sco consequenza da midadas repetidas ni meglieraziuns succedidas vid igl edifeci el decuors da 5 onns. Il supplement vegn calculaus a basa dil surpli dalla valeta nova. Il surpli seresulta dil schazetg vegl indexau en cumparegliaziun cun il schazetg digl object niev.

Objects colligiai culs implonts pil provediment d'aua dalla vischnaunca che vegnan disfatgs e puspei reconstrui el medem liug, vegnan tractai sco midadas da construcziun. Ei la valeta nova tenor il schazetg uffical digl object niev pli bassa che la valeta nova tenor il schazetg uffical indexau digl object che vegn disfatgs, succeda negina restituziun dils cuosts da colligiazion.

Art. 27

Contribuziun da colligiazion speciala

Sche las entradas da contribuziuns, taxas e las reservas per la finanziaziun da novs implonts pil provediment d'aua ni per renovaziuns necessarias tonschan buca, sa vegnir incassada ina contribuziun speciala per tut ils objects ch'ei colligiai cun ils implonts pil provediment d'aua dalla vischnaunca.

Sch'ils implonts pil provediment d'aua public ston vegnir baghegiai ora pervia da basegns specials da singuls objects, vegn incassada ina contribuziun da colligiazion speciala pils objects pertuccai per cuvierer ils cuosts digl engrondiment.

Las tariffas per contribuziuns da colligiazion specialas vegnan fixadas entras la suprastanza communal. Ultra da quei valan per las contribuziuns specialas las prescripziuns per las contribuziuns da colligiazion cun il provediment d'aua conform al senn.

Art. 28

Disposiziun

Las contribuziuns da colligiazion per objects vegnan calculadas e messas a quen provisoriamain cun la lubientscha da baghegiar a basa d'ina calculaziun dils cuosts da construcziun. Per midadas da construcziun posteriusas vegn tschentau negin quen provisorii. La disposiziun definitiva succeda suenter l'entrada en vigur dil schazetg uffical.

Las contribuziuns da colligiazion per objects existents vegnan fixadas ensemen cun la lubientscha da baghegiar.

Per disposiziuns provisorias ei la valeta probabla dil project da construcziun decisiva. Quella vegn quintada sin fundament dils cuosts approximativs tenor la damonda da baghegiar. Sch'ils cuosts da baghegiar constattan evidentamein buca, vegn la valeta approximativa fixada dalla suprastanza communal sin fundament dall'assicuranza pil temps da construcziun ni a basa d'in agen schazetg.

Decisiva per la disposiziun definitiva ei la valeta nova dil project da construcziun indexada tenor schazetg official.

Art. 29

Scadenza ed incasso

Las contribuziuns da colligiazion provisorias scadan cun l'entschatta dallas lavurs da construcziun. Las contribuziuns da colligiazion definitivadas ein da pagar enteifer 60 dis dapi la consegna dil quen ni sil pli tard cun l'entschatta da construcziun. Las contribuziuns da colligiazion per objects existents vegnan messas a quen il mument dalla colligiazion. La facturaziun dallas contribuziuns da colligiazion provisorias e definitivadas succeda da principi al patrun da construcziun. Sa la contribuziun per in motiv ni l'auter buca vegnir incassada, vegn applicaus art. 25 da questa lescha.

Contribuziuns da colligiazion specialas scadan cun la finiziun dils implonts pil provediment d'aua finanziari cheutras. Ils proprietaris pertuccai san vegnir obligai da prestar pagaments aconto gia duront l'execuziun dalla construcziun. Per pagaments retardai vegn quintau in tscheins da retard tenor las quotas cantunales valeivlas.

1.3 Taxas d'aua

Art. 30

Taxa fundamentala annuala

Per tut ils objects ch'ei colligiai cun ils implonts pil provediment d'aua public, ei da pagar ina taxa fundamentala annuala. Per objects che vegnan pil mument buc utilisai, vegn quella taxa medemamein debitada.

Excepi dall'obligaziun da pagar ina taxa fundamentala annuala ein baselgias, baghetgs communal sco era retratgas d'aua da baghegiar.

La taxa fundamentala vegn calculada en promils dalla valeta assicurada tenor indicaziun dall'Assicuranza d'edificis dil Grischun, quei sin fundament dalla classificaziun dil object tenor il Fegl da tariffas. Davart la classificaziun d'objects buca stipulai sin quei Fegl da tariffas decida la suprastanza communal.

Decisiva per la disposiziun ei la valeta d'assicuranza il mument dalla scadenza. Corrispunda quella valeta claramain buc allas cundiziuns facticas, procura la suprastanza communal per in niev schazetg.

La taxa fundamentala vegn calculada per igl object principal inclus tut ils objects accessoris construi directamein vid igl object principal, quei independentamein d'ina colligiazion dils singuls objects accessoris.

Art. 31

Taxa da diever per objects colligiai La taxa da diever vegn calculada tenor il consum d'aua registraus entras il dumbrader d'aua en CHF/m³, quei sin fundament dalla classificaziun digl object tenor il Fegl da tariffas. Davart la classificaziun d'objects buca stipulai sin quei Fegl da tariffas decida la suprastonza communal.

Sch'in dumbrader d'aua indichescha in quantum d'aua evidentamein falliu ni sch'el ha buca funcziunau duront la perioda da taxaziun, vegn l'aua duvrada dapi la davosa controlla calculada a basa dil consum dalla medema perioda digl onn avon; midadas eventualas el consum d'aua vegnan risguardadas.

Il tscheins pil dumbrader d'aua vegn mess a quen separadamein tenor il Fegl da tariffas.

Art. 32

Taxa per in diever special Per retratgas d'aua tenor art. 12 al. 4 vegn incassada ina taxa tenor il Fegl da tariffas.

Per ulteriuras retratgas extraordinarias ch'ein buca fixadas sil Fegl da tariffas sa la suprastonza communal fixar ina taxa.

Art. 33

Scadenza ed incasso Las taxas annualas scadan mintgamai la fin digl onn current. Tier midadas da maun el decuors digl onn scada la taxa pro rata cun la midada da maun respectivamein cun l'entrada en possess tenor annunzia da midada da maun.

La facturaziun tier relaziuns da dretg da baghegiar succeda al proprietari dil dretg da baghegiar, tier relaziuns da proprietad comunabla als proprietari dalla proprietad comunablamein, tier cumproprietad als singuls cumproprietaris separadamein, tier proprietad en condomini all'administraziun. El cass ch'igl ei buca pusseivel d'eruir il diever effectiv per mintga singula cumproprietad, succeda la facturaziun comunablamein. Sa la taxa per in motiv ni l'auter buca vegnir incassada, vegn applicaus art. 25 da questa lescha.

Las taxas ein da pagar enteifer 30 dis suenter haver retschert il quen. Per pagamenti retardai vegn quintau in tscheins da retard tenor las quotas cantunales valeivlas.

1.4 Mieds legals e dretg da pègn legal

Art. 34

Protestas Protestas encunter ils quens da contribuziuns e taxas ein d'inoltrar e da motivar en scret alla suprastonza communal e quei enteifer 30 dis.
La suprastonza communal examinescha la protesta e communichescha sia decisiun en ina disposiziun contestabla.

Art. 35

Dretg da pègn legal Il dretg da pègn legal per contribuziuns da colligiazion sedrezza tenor art. 131 dalla lescha introductiva al Cudisch civil svizzer.

2. Implonts privats

Art. 36

Implonts privats Ils cuosts pils implonts privats sco era per lur colligiazion cun igl implont public portan ils petents. Colligiazions preparadas entras la vischnaunca vegnan messas a quen ensemen cun la lubientscha da colligiazion.
Sche la colligiazion vegn exequida entras la vischnaunca, san ils petents vegnir obligai da garantir ils cuosts prevesibels.
Sche las colligiazions ed ils conducts da colligiazion surveschan a plirs proprietaris, han ils proprietaris da parter sezs tut ils cuosts denter els. Resalvadas ein regulaziuns specialas en proceduras da planisaziuns da quartier e regulaziuns per conducts da colligiazion ch'ils proprietaris han da construir resp. utilizar comunablamein tenor ordinaziun dalla suprastonza communal.

IV. Disposiziuns executivas e disposiziuns finalas

Art. 37

Entrada en vigur ed agrogaziun dil dretg vertent Questa lescha davart il provediment d'aua va en vigur cun igl 1. da schaner 2019.
Cun l'entrada en vigur da presenta lescha vegnan abrogai tut las leschas e tut ils reglaments davart il provediment d'aua dallas anteriuras vischnauncas e corporaziuns d'aua.
Las disposiziuns pertuccont la contribuzion da colligiazion ein d'applicar per tut las damondas da colligiazion e tut ils projects

da construcziun, ils quals ein aunc buca lubi tier l'entrada en vigur da questa lescha. Tier projects gia lubi sedrezza la contribuziun da colligiazion tenor las leschas ed ils reglaments dallas anteriuras vischnauncas e corporaziuns d'aua.

Approbada dil cussegl da vischnaunca a caschun dalla seduta dils 26-02-2019. Il feigl da tarifas ei vegnius revidius a caschun dalla seduta dil cussegl dils 24-06-2020 e va en vigur naven digl 1 da schaner 2020.

Cussegl da vischnaunca

La presidenta:

Prisca Sgier-Caduff

Igl actuar:

Curdin Cadonau

Suprastonza communal

Il president:

Olau Schlosser

Igl actuar:

Curdin Cadonau

Fegl da tariffas

A basa dils artechels 23ss dalla lescha davart il provediment d'aua per la vischnaunca da Breil vegnan incassadas las suandontas contribuziuns e taxas:

1. Contribuziun da colligiazion (art. 26)

Quota dalla valeta tenor schazetg official

1. classa d'objects **0.75%**

Baghetgs d'economia agricols

2. classa d'objects **1.00%**

Edifecis d'administraziun, casas da scola, implonts publics dil temps liber e sport, baselgias, clavaus, tegias da cuolm, deposits da material, menaschis da commerci e mistregn

3. classa d'objects **2.00%**

Objects da habitar, casas da vegls, menaschis da loschament (hotels, pensiuns, resorts e.a.v), ustrias, sereneras

Tier objects cun differents dievers che pertuccan pliras classas vala la tariffa tenor la classa aulta el cass ch'ei exista buc in schazetg official separau per mintga unitad.

Contribuziun minimala **CHF 500.00**

2. Taxa fundamentala annuala (art. 30)

Quota dalla valeta assicurada tenor indicaziun dall'Assicuranza d'edifecis dil Grischun

1. classa d'objects **0.075 – 0.15‰**

Baghetgs d'economia agricols

2. classa d'objects **0.125 – 0.25‰**

Edifecis d'administraziun, casas da scola, implonts publics dil temps liber e sport, clavaus, tegias da cuolm, deposits da material, menaschis da commerci e mistregn

3. classa d'objects **0.2 – 0.4‰**

Objects da habitar, casas da vegls, menaschis da loschament (hotels, pensiuns, resorts e.a.v.), ustrias, sereneras

Tier objects cun differents dievers che pertuccan pliras classas vala la tariffa tenor la classa aulta el cass ch'ei exista buc in schazetg ufficial separau per mintga unitad.

3. Taxa da diever per objects colligiai (art. 31)

Quella taxa vegn incassada sin fundament dil consum d'aua. Ella ha da cuvierer 25 - 50% dils cuosts declarai ella contabilitad e vegn quintada sin fundament dil consum d'aua.

Tut ils implonts colligiai tenor l'indicaziun dil dumbrader:
CHF/m³ 0.50

Il cau d'aua fa periodicamein controllas.

4. Tscheins pil dumbrader d'aua (art. 31)

Taxa annuala pil dumbrader	CHF 20.–
----------------------------	----------

5. Taxa per in diever special (art. 32)

Aua da baghegiar:

Per objects cun cubaturas d'entochen 1'500 m ³ vegn quintada ina pauschala da	CHF 150.–
--	-----------

Per objects cun cubaturas da 1'501 m ³ entochen 3'000 m ³ vegn quintada ina taxa da	CHF 300.–
---	-----------

Per objects cun cubaturas sur 3'001 m ³ entochen 5'000 m ³ vegn quintada ina taxa da	CHF 500.–
--	-----------

Per stabiliments sur 5'001 m ³ ei d'installar in dumbrader e quintar giu tenor quel e tenor tariffa, denton minimum	CHF 500.–
--	-----------

6. Taglia sin la plivaleta

La vischnaunca da Breil ei suttamessa alla taglia sin la plivaleta. Tut las tariffas suranumnadas secapeschan exclusiv la taglia sin la plivaleta.